

Katz aus`m Sack

(Text & Musik: Forisch)

D`Leid de redn an rechtn Schmarrn daher

Sie sogn I laafat dia hinterher

I woäß scho, wos I vo dia mog:

„Geh hoid her und loss dei Katz aus`m Sack!“

„Geh hoid her und loss dei Katz aus`m Sack!“

D`Leid de schau mi so komisch oh

A wengerl Mitleid is da a mit dro

Vo dia kimmt koa „Ja“, koa „Na“, nix Gnaus

„Jetzt geh hoid her und lass de Sau mit mia raus!“

„Jetzt geh hoid her und lass de Sau mit eam raus!“

De besten Freind, de dean jetzt recht vadruckt

Ois hätt a jeda grod an Frosch verschluckt

I bin bei dia hoid nur beliebt

Des is wo der Hos im Pfeffer liegt

Des is wo der Hos im Pfeffer liegt

Alle sogns: „Des is a oida Zopf -

Dua uns den Gfoin und schlog da de aus`m Kopf!“

I bin am Bodn, jeda kennt den Grund:

Bevor I di kriag, kriag I no junge Hund

Bevor er di kriagt, kriagt er no junge Hund

D`Leid de redn an rechtn Schmarrn daher

Sie sogn I laafat dia hinterher

I bin ma z`schod, dass I zu dia kriach

Doch I verbrenn, wia de Mottn am Liacht

Doch er verbrennt, wia de Mottn am Liacht

Hoizland

(Text & Musik: Forisch)

Da Daxeder geht auf d Nacht
Nomoi aussì vor`d Dia
Sei Windradl is stehbliem
Gschmiert gheat`s Scharnierl
Des kriagn ma scho hi, dass ses wieda gscheid drahd
Doch d`Sonn is scho weg, fia heid is scho z`schbad

Und herunt san de andern
Und herom, da samma mia
Am Dog wead was garbat
Und auf d Nacht gibt`s a Bier

Und herunt is da Inn
Und herom, da samma mia
Am Dog wead was garbat
Und auf d Nacht gibt`s a Bier

As Reserl hod ihrn Hof
Jetztad a no vakaafd
Wei mit dene boa Kia
Hoid gar nix mehr laafd
A Schdodara richt s`en jetzt hea, recht schee
Im Kuaschdoi hängan Buidl, der is jetzt Atelier

Und herunt, da is laut
Und herom, da is schdaad
Da Wind fahrt durch`s Hoiz
D`Wiesen gherad gmahd

Am oid Bauer z`Öging
Sei Bruin wui nix mea daugn
Er hatscht bis nach Birnbach
Da gibt`s a Wasser fiad Augn
Drei Maria huif - mach ois wider guad!
Er spart se den Doktor und a des Lourdes

Und herunt is der Nebe
Und herom, da is d`Sonn
As Hei wead grod eigfahn
S`Weda hod se vazogn

Und herunt san de andern /is da Inn
Und herom, da samma mia
Am Dog wead was garbat
Und auf d Nacht gibt`s a Bier

Und herunt is da Inn
Und herom, da samma mia
Am Dog wead was garbat
Und auf d Nacht gibt`s a Bier

WENN DA €URO GEHT...

(Text & Musik: Forisch)

De Kanzlerin schmeißt d' Gabe weg

Weil heid Fria da is as Geid vareckt

Wenn da Euro geht und`s Markl wieda kimmt

Und dia de Bank an letztn Cent wegnimmt

De Geier fliagn scho um`d Akropolis

Es gibt fünf Jahr koan Souflakispieß

Wenn da Euro geht und`s Markl wieda kimmt

Und dia de Bank an letztn Cent wegnimmt

S`Christkind des kimmd heia z`spät

Im Schlittn hat`s a Mordsdrumm Sparpaket

Wenn da Euro geht und`s Markl wieda kimmt

Und dia de Bank an letztn Cent wegnimmt

Sockan wern gschdrickt und da Tank is laar

Koa Mensch glaabt mea am Politika

Wenn da Euro geht und`s Markl wieda kimmt

Und dia de Bank an letztn Cent wegnimmt

D`Fisch beißn ned oh

(Text & Musik: Forisch)

Er hod a offans Hemad, Haar auf da Brust,
goidne Uhr, goidans Kettal – trotzdem schiabt er Frust

D`Fisch beißn, d`Fisch beißn ned oh!
Er hätt a lange Angel, aba nix hängt dro...

Er hod se sauber rausputzt, d`Schua poliert
Gel in de Haar, se eiparfumiert...

D`Fisch beißn, d`Fisch beißn ned oh!
Er hätt a lange Angel, aba nix hängt dro...

Weiße Zähne, Tipp-top Sacko, alles sehr gepflegt
a sein neia Alpha hod er tiafaglegt...

D`Fisch beißn, d`Fisch beißn ned oh!
Er hätt a lange Angel, aba nix hängt dro...

Er nimmt se vor: „I lass de Sau heid raus!“
Im „To Hot Club“ wirft er sein Köder aus...

D`Fisch beißn, d`Fisch beißn ned oh!
Er hätt a lange Angel, aba nix hängt dro...

Er hod sie scho am Haken, da kimmt ihr Freind ogrennd
Wieder wead heid koane „fisherman`s friend“...

D`Fisch beißn, d`Fisch beißn ned oh!
Er hätt a lange Angel, aba nix hängt dro...

I geh nimma fuat

(Text: Six/Forisch; Musik: Forisch)

S` Wassa is ma z`nooß
Da Schnee is ma z`weiß
Da Tee hod koa Aroma
Und an z`houa Preis

Na I geh nimma fuat - na I geh nimma fuat

Da Kaffee is ma z`stark
S` Fleisch is ma z`zach
De Suppn is ma z`hoaf
Und da Schnaps is ma z`gach

Na I geh nimma fuat - na I geh nimma fuat

Hob ois gseng was I woit
Und ois g`head wos I brauch
Mia glangt`s vom Remmidemmi
Ois blos Schall und Rauch

S` Bierzelt is ma z`laud
S`Cafe is ma z`faad
Und de Soß beim Chinesn
De steht vor Glutamat

Na I geh nimma fuat - na I geh nimma fuat

Da Regn is ma z`noos
Da Schnee is ma z`koid
De Sonn is ma z`hoaf
Und da Winter kimmd ma z`boid

Na I geh nimma fuat - na I geh nimma fuat

Hob ois gseng was I woit
Und ois g`head wos I brauch
Mia glangt`s vom Remmidemmi
Ois blos Schall und Rauch

Ram doch z`erst bei dia auf

(Text & Musik: Hank Williams; bayr. Text: Forisch)

(Mind your own business)

Vor da Dia und a im Garten
Flackt as Zeig umanand
Übern Zaun fliang zu mia Wörter
Wia "Zuaständ" und "Schand"

Ram doch z`erst bei dia auf
Ram doch z`erst bei dia auf
Wei wenn`s du bei dia auframst
Na host grad gnua zum doa

"Ramadama" dean
De Leid sehr gern
Doch des "Ramadama" wead hoid nia
Mei Leidenschaft wean

I woas nimma wo
I woas blos I hob glumpt
Doch des is oiwei no mei Schädli
Der am nächstn Dog brummt

De mei und I, wia fetzn uns
Dog und Nacht
Doch des geht koan was o
Wenn`s bei uns kracht

Du moanst du miassast oiwei
des letzte Wort hom
Doch lass da vo mia des oane
Des letzte Wort sogn:

Ram doch z`erst bei dia auf
Ram doch z`erst bei dia auf
Wei wenn`s du bei dia auframst
Na host grad gnua zum doa
Wei wenn`s du bei dia auframst
Geht dir de Arbeit nia aus

As Wasser kimmd

(Text & Musik: Forisch)

Der Damm is brocha
Du konnst zuschaugn wias Wassa steigt
Koa Boot is zum segn
Der Fluss wird wuid und weid
Fahr doch obe nach Passau
Schaug da`d Schaufenster oh
Da weast du merka, dass ma Freind
Ned kaafa ko

„Hey,“ sog I

„Geh I da scho a weng ob?
Oder dreibst de scho
Umanand mit dem nächstbestn Lapp?“

As Wasser kimmd
Pack deine Koffer, schnei!
Doch bevor I mit dia geh
Geh I liaba ind Hei
D`Möbe ziagn Wassa
As Soiz wead nass
De Natur macht ernst
Des is ois koa Spass

„Hey,“ sog I

„Geh I da scho a weng ob?
Oder dreibst de scho
Umanand mit dem nächstbestn Lapp

As Hochwassa kimmd
Schnei, renn davo!
Frag ned lang warum
Des so is und wiaso
Jetzt geht`s Aug um Aug
Und Zahn um Zahn
A da Kine und sei Frau
Packan ihre Sachan zam

„Hey,“ sog I

„Geh I da scho a weng ob?
Oder dreibst de scho
Umanand mit dem nächstbestn Lapp

Oder dreibst de scho
Umanand mit dem nächstbestn Lapp

Oder dreibst de scho
Umanand mit dem nächstbestn Lapp

I hoi blos mei Kloane ab vom Knast

(Text & Musik: Forisch)

Hey Wärter pass guad auf
Es springt was fia die naus
Du gibst mir de Schlüssel
Und I lad die Konto auf

I putz deine Stiefel
I polier oi deine Schuah
Dafür druckst du, hey Wärter
Moi beide Augen zua

I bin blos auf der Durchroas
I mach blos a kloana Rast
I hoi blos mei Kloane
Mei Kloane ab vom Knast

Hey Pfarrer I muaß beichtn
I wui ned in`d Hei
I hob zwar fui am Kerbhoiz
Doch tiaf drin a guade Sei

Nimm mir ab die Sünden
Des san mea ois I vertrog
Doch kam draußn aus`m Beichtschtui
Krampfed I den Opfersrtock

I bin blos auf der Durchroas
I mach blos a kloana Rast
I hoi blos mei Kloane
Mei Kloane ab vom Knast

Hey Wirt, I brauch a Hoibe
Schenk ma`s randvoi ei
I hob was zum Feiern
Heid lod I alle ei

Jetzt bring uns no de Würfel
Ihr wead`sas scho no schnoin
I hob koa Glück im Schpui
Und scho gar koa Geid zum zoin

I bin blos auf der Durchroas
I mach blos a kloana Rast
I hoi blos mei Kloane
Mei Kloane ab vom Knast

Oisse is z`brocha

(Text & Musik: Bob Dylan; bayr. Text: Dittlmann/Forisch)

(Everything is broken)

Z`brochane Flaschn, gschprungas Gschirr
gschplittate Fensta, eigschlogne Tia
koa gscheids Liacht, obbrennte Kerzn
wos de hidrahst – z`brochane Herzen
Nix gscheits zum Dringa, nix mehr zum Kocha
sogar de Scherm san zbrocha

Aufbrochans Schloss, vaschmierte Wänd
vafoine Heiser, wackligs Fundament
dafeite Schindeln, zrissne Pfettn
D`Leid wälzen se in klapprige Bettn
Koa Luft zum Schnaufa, nix mehr zum Lacha
wead boid oisse zammkracha

muaß des sei dass I zu dia no wos sog?
haut blos an neia Nogl in mein Sarg...

Varoste Nägl, feichte Keller
Vabogne Gabeln, z`brochane Teller
Laara Tank, morsche Bretter
Drom am Himme – a unguads Weda
Obgramts Konto, zerschlogne Tepf
Wo i hischaug – z`brochane Kepf

A Loch is im Eimer, s`Redn hod koan Sinn
Er war doch randvoi, nix is bliem

Hoamat überschaubar

(Text & Musik: Forisch)

Hoamat überschaubar
A jeda kennd an jedn
Gred wird vui
Aber lass d`Leid redn

Hoamat überschaubar
Da drauf samma stoiz
Mia ham unsa Sprach und
Mia ham unsa Hoiz

Da Hansi duad hoid gar nix
Mehr fia d`Schui
Sei Papa nimmt eam trotzdem
Mit zum Bayernschpui

As Lesen war so wichtig
Schimpft der Lehrer jedn Dog
Doch da Hansi schaut bloß Buidln oh
Im FENDT-Katalog

Hoamat überschaubar
Ma segt no Kia auf da Woad
Fia d`Milli gibt`s boid nix mehr
Überoi wird gspart

Hoamat überschaubar
Aber koana is recht zfriedn
Mit dem was de vazapfan
Da drobn in Berlin

Beim Bergerwirt am Stammtisch
Da wead debattiert
Ob se zwengs dem Biogas
Was anders no no rentiert

Es spiaglt scho jeds Dach
Solar, des war der Schlüssel
Wir machan fast oisse
Wenn`s a Geid regnt aus Brüssel

Hoamat überschaubar
A jeda kennd an jedn
Gred wird vui
Aber lass d`Leid redn

Herr + Hund – Rag

(Text & Musik: Six)

Auf in da Fria und eine in`n Schacht
Dei Chef hod nixzum Verliern
Sei Oide braucht a Armani-Bruin
Und du muatas finanziern

Drei neie Golfschläger und a Modnschau –
Der Termindruck is exorbitant
Und du schlogst die Oide grea und blau
Weil`s wos bei Quelle bschtein kannt
(Und du host an Riesenzooff mit deiner Frau
Weils` was beim Ebay bschtein kannt)

Die Kühlschränk is hi und du woäßt ned woher
Du des Geid fia an neia nehma koost
Dawei liegt er, da Grippe am Mittelmeer
Und sauft Schampus, dass sei Gurgl ned verrost

„Do geh her“ – “Do sitz di hi”
Kommando is sei Geschäft
Weihnachtsfeier und Betriebsausflug-
Du machst Mandl und du gfreist di recht

Z`letzt passt aa no auf auf eam
Damit er di drazn koo
Und du draust di ned sagn: „Du oide Scheam!“ –
Du schaugst „de Frau Chefin“ so treiherzig oo

Du – macht arwatn oder Chefsei`frei??
Überleg`da`s, Zeit host gnua
Und hau eam oane in d`Babbn nei,
Oder bleib Hund und gib a Ruah